

Zins beziehen, verkaufen dem Grosshansen, einem Walliser ab Triesnerberg von diesem Zins ein Pfund Pfennig um fünfzehn Pfund. Es siegelt neben Wilhelm von Richenstein¹ auch Johann Vaistlin⁸ von Vaduz.

Ich wilhelm von Richenstein¹ von Trysen vnd jch vrsella sin elichù husfrow / haintzen vnderwegers² tochter Tund kunt mit dem brieff, als wir habin drù / lib dn Costenzer múnss vngevarlichs jãrglichs ewigs gelts . von hansen / Tschuttels des schlegels³ ains Walysers sãligen kinden . abe dem güt ge- / nant Museschen⁴ daz von vns iro rehts erblehen vnd gelegen ist , an / Trysnerberg, stößet vndan vnd ainhalb an den stain anderhalb an das / Tobel genant valffagross⁵. hin vff an haini phyllippen suns güt. das er / von hansen frytag ze erlehen hatt . vnd ôch an des selben hansen fry- / tagen an der Quadrer⁶ vnd an Cüntzen⁷ von Trysen genant güt daselbs / Sol menglichem ze wissen sin vnd veriehen ôch des offenlich . daz wir baidú ain- / mütteklich mit güter zittlicher williger vorbetrachtunge nach gunst vnd - / wissen vnsrer fründen ze den tagen do wir es krefftlich mit reht wol getûn / mohten habin geben ze köffend reht redlich aigenlich vnd euenklich für vns / selb vnd für all vnsrer erben vnd nachkomen ains schlechten stãtten kôfs mit / vrkünd diß briefs . dem erbern knecht Großhans wallysern ab Trysnerberg / vnd aller sinen erben ob er enwãri daz . 1 . lib dn geltz Costentzer múnss von / den obgesaiten iii . lib geltz . vff museschen . ze rehtem ewigem luter aigen / vmb xv lib dn . alles güter gãber vnd genãmer Costentzer múnss dero wir / gar vnd gantzlich nach allem vnsrem willen erberlich vnd Nutzlich von jm ge- / wert vnd bezalt sint daz es vns vnd all vnsern erben von jm vnd allen sinen erben / hir vmb iemer billich wol benügen sol als wir glichlich vnd wissenklich veriehen / mit dem brieff . vnd ist ôch diß vngevarlich iemer werend köff getân vnd vol- / lefûrt Also mit der beschaidenhait vnd bedingde . daz dem obgedachten gro ß - / hansen vnd allen sinen erben nach im daz obgeschriben l . lib dn . ab dem vorgesaiten / güt museschen⁴ jãrglichen ie vff Santt Martistag by der tag zit iemer mer / ewenklich sol geriht vnd geben werden . ân allen iren schaden vnd ân als ab- / nießen des hõptgütz , es sy von den